



Informasjon om melding frå kommunane/ ungdomsskolane til fylkeskommunen om elevar i 10. klasse som kan søke om fortrinnsrett til eit særskilt utdanningsprogram, §6-15, eller om fortrinnsrett på grunn av sterkt nedsett funksjonsevne, §6-17

Kommunane har ansvar for å sende melding til fylkeskommunen om elevar som går i 10. klasse og som kjem inn under §§ 6-15 og 6-17 i inntaksforskrifta til opplæringslova. Kommunane skal innhente samtykke frå elevar og føresette før det vert sendt melding. Meldinga må derfor vere signert av søkar og føresette.

- **Frist for å sende melding til fylkeskommunen er 1. oktober kvart år.**
- **Meldinga er ikkje ein søknad om inntak til vidaregåande skole**
- **Ein må søke vidaregåande opplæring via Vigo.no og med A-skjema m. dokumentasjon.**
- **Frist for å søke om inntak med fortrinnsrett til vgo er 1. februar.**

Inntaksforskrifta §6-15, *Fortrinnsrett til eit særskilt utdanningsprogram:*

Elevar i 10. klasse som kan søke om fortrinn til særskilt utdanningsprogram, skal ha enkeltvedtak om rett til spesialundervisning, og utfordringar som gjer at dersom dei skal lukkast i å gjennomføre vidaregåande opplæring med full måloppnåing, er det berre **eitt** utdanningsprogram som er aktuelt. Søkarar etter §6-15 skal kunne fullføre vidaregåande opplæring med yrkes- eller studiekompetanse.

Meldinga frå kommunane/skolane skal innehalde informasjon der det kjem fram:

- a) vanskane som ligg til grunn for enkeltvedtaket om spesialundervisning, og kvifor dei meiner søkjaren oppfyller vilkåra for inntak til særskilt utdanningsprogram*
- b) tidlegare tiltak*
- c) kva vanskane vil ha å seie for vidaregåande opplæring*

Dokumentasjon som stadfestar informasjonen og som skal sendast med meldinga, er eksisterande sakkunnig vurdering frå PPT, enkeltvedtak om rett til spesialundervisning og individuell opplæringsplan (IOP) for 10. klasse. Dersom fylkeskommunen etter å ha mottatt melding frå kommunane, finn at eleven kan søkje om fortrinn etter §6-15 i inntaksforskrifta, blir det tinga ny sakkunnig vurdering frå PPT. Fylkeskommunen sin koordinator for PPT tar kontakt med PPT. Denne sakkunnige vurderinga skal vere vedlegg til søknad om fortrinnsrett til særskilt utdanningsprogram til 1. februar.

Søkarar som blir vurdert til ikkje å kunne søkje om fortrinn til særskilt utdanningsprogram, skal konkurrere seg inn i det ordinære inntaket. Søknadsfristen for dei er 1. mars.

Inntaksforskrifta §6-17, *Fortrinnsrett for søkjarar med sterkt nedsett funksjonsevne*

Elevar i 10. klasse som kan søke om fortrinn etter §6-17, er elevar med sterkt nedsett psykisk eller fysisk funksjonsevne. Dei skal ha enkeltvedtak om rett til spesialundervisning, og dei skal ha særlege behov for å bli tatt inn på ein skole som kan legge til rette for dei utfordringane dei har. Det kan vere behov for tilrettelegging av bygningsmasse eller behov for særskilt kompetanse ved skolen.

Meldinga frå kommunane må innehalde informasjon og dokumentasjon som viser kva for behov eleven har. Slik dokumentasjon vil vere sakkunnig vurdering frå PPT som gjeld 10. klasse, enkeltvedtak om rett til spesialundervisning, individuell opplæringsplan (IOP) for 10. klasse og i nokre høve uttale frå helsevesenet, t.d. spesialisthelsetenesta, Statped osv.

Fylkeskommunen og dei vidaregåande skolane vil bruke tida fram til søknadsfristen 1. februar til å førebu og legge til rette for å gi elevane eit likeverdig og tilfredsstillande opplæringstilbod. Meldingar frå kommunane/ ungdomsskolane vil ikkje bli sakshandsama, men vil vere ei rettleiing for fylkeskommunen i høve tildeling av skoleplass.

Kommunane/ ungdomsskolane får tilbakemelding frå fylkeskommunen om at meldinga er mottatt.